

ԿԱԼՈՒՉԱ-ՔԼԱՅՆԻ ԳՐԱՎԻՏԱՑԻԱ

Հետազոտական աշխատանք

Չալյան Գոռ Վարդանի

Ակադեմիկոս Գ. Սահակյանի անվան Տեսական Ֆիզիկայի ամբիոն

Մագիստրատուրա 1 կուրս

Բովանդակություն

1	ՆԵՐԱԾՈՒԹՅՈՒՆ	3
2	ԲԱՐՁՐ ՉԱՓՈՂԱԿԱՆՈՒԹՅՈՒՆՆԵՐ	4
3	ԿԱԼՈՒՉԱ-ՔԼԱՅՆԻ ՏԵՍՈՒԹՅՈՒՆԸ	4
4	ԲԱՐՁՐ ՉԱՓԱՆԻ ՄԻԱՎՈՐՈՒՄՆԵՐԻ ՄՈՏԵՑՈՒՄԸ	6
5	ԿՈՄՊԼԵՔՍԻԿԱՅՄԱՆ ՄՈՏԵՑՈՒՄԸ և ՄԵԽԱՆԻԶՄՆԵՐԸ	7
6	$D=11$ ՍՈՒՊԵՐ-ԳՐԱՎԻՏԱՅԻՆ	8
7	$D=10$ ՍՈՒՊԵՐ-ԼԱՐԵՐԻ ՏԵՍՈՒԹՅՈՒՆԸ	10
8	ՊՐՈՅԵԿՏՄԱՆ ՄՈՏԵՑՈՒՄԸ	11
9	ՈՉ-ԿՈՄՊԼԵՔՍԻԿԱՅՎԱԾ ՄՈՏԵՑՈՒՄԸ	11
10	ԿԱԼՈՒՉԱՅԻ ՄԵԽԱՆԻԶՄԸ	12
11	ՀԱՐԱԲԵՐԱԿԱՆՈՒԹՅԱՆ ԸՆԴՀԱՆՈՒՐ ՏԵՍՈՒԹՅԱՆ ՆՎԱԶԱԳՈՒՅՆ ԸՆԴԱՅՆՈՒՄԸ	13
12	ԳԼԱՆԱՅԻՆ ՊԱՅՄԱՆԸ	14
13	$\phi = const$ ԴԵՊԸ	14
14	$A_\alpha = 0$ ԴԵՊԸ, ԲՐԱՆՍ-ԴԻԿԵԻ ՏԵՍՈՒԹՅՈՒՆԸ	15
15	ՔԼԱՅՆԻ ԿՈՄՊԼԵՔՍԻԿԱՅՄԱՆ ՄԵԽԱՆԻԶՄԸ	16

1 ՆԵՐԱԾՈՒԹՅՈՒՆ

Կալուզայի ձեռքբերումը 5-աչափ տարածությունում ձևակերպված հարաբարականության ընդհանուր տեսության՝ Էյնշտեյնի 4-աչափ գրավիտացիայի, ինչպես նաև Մաքսվելի էլեկտրամագնիսականության տեսություններն իր մեջ պարունակել ցույց տալն էր: Սակայն նա մտցրեց արհեստական թվացող մի պայման, որը կոչվում է այսպես կոչված **զլանային պայման**՝ դրված նոր մտցված 5-րդ կոորդինատի վրա: Վերջինս նշանակում է, որ ուղղակի ազդեցություն չունի ֆիզիկայի օրենքների վրա: Բլայնի ներդրումն այս պայմանի քիչ արհեստական դարձնելն էր, առաջարկելով կոմպակտիֆիկացնել նոր՝ 5-րդ չափողականությունը: Այս գաղափարը մեծ ցնծությամբ ընդունվեց միացյալ տեսություն ունենալ ցանկացողների շրջանում, և երբ հերթն արդեն հասել էր ուժեղ և թույլ փոխազդեցություններն էլ միավորելուն, ենթադրվեց, որ ըստ Կալուզայի տրամաբանության ավելացված ավել չափողականությունները ևս պետք է լինեն կոմպակտ: Այս մտածելակերպը հիմք դարձավ 1980-ականներին 11 չափանի սուպեր-գրավիտացիայի տեսության, իսկ հետագայում՝ «Ամեն ինչի տեսության»:

Կալուզան միավորեց ոչ միայն էլեկտրամագնիսականությունն ու գրավիտացիան, այլ նաև նյութը և տարածության երկրաչափությունը՝ 4-աչափ տարածությունում գտնվող ֆոտոնը դիտարկելով որպես դատարկություն՝ 5-աչափ տարածությունում: Ժամանակակից Կալուզա-Բլայնի տեսությունները պահանջում են բարձր չափողականությամբ նյութի դաշտերի առկայություն՝ հաջող կոմպակտիֆիկացիա համար:

Հարց է առաջանում, արդյո՞ք սա պարտադիր պայման է, թե՞ ոչ: Պատասխանն «այո» է, եթե դնում ենք ավել չափողականությունների **իրական, կոմպակտ և տարածանման** լինելու պայմանները: Սակայն գոյություն ունեն այլ տեսություններ, որոնցում այս պայմանները չեն պահանջվում, օրինակ **պռոյեկտվող տեսությունները**, որոնցում չի պահանջվում ավել չափողականությունների իրական լինելը, կամ **ոչ-կոմպակտիֆիկացված տեսությունները**, որոնցում չի պահանջվում ավել չափողականությունների տարածանման, կամ կոմպակտ լինելը:

Այս հետազոտական աշխատանքում համառոտ ձևակերպված և թարգմանված է [1] գրականության որոշ բաժիններ, որոնցից են Կալուզա-Բլայնի տեսության պատմական ակնարկը՝ առաջացման պատճառները, տեսության մշակման ժամանակ առաջ եկած որոշ խնդիրների մոտեցումներ և այլն: [1]-ից բացի ներառված չեն այլ ցիտումներ, քանի որ դրանք արդեն առկա են հոդվածի բնօրինակում և լրացուցիչ աղբյուրներից տեղեկություններ ավելացված չեն:

2 ԲԱՐՁՐ ՉԱՓՈՂԱԿԱՆՈՒԹՅՈՒՆՆԵՐ

Մեր ամենօրյա աշխարհը 3-աչափ է: Բայց հարց է առաջանում, թե ինչու՞ է այդպես: Այս հարցին փորձել է պատասխանել դեռևս Կեպլերը, ով այս հանգամանքի պատճառը փիլիսոփայորեն հնարավոր էր համարում կապել Սուրբ երրորդության հետ: Ավելի հին պատճառաբանումներից են մոլորակային ուղեծրերի կայունությունը, ատոմում հիմնական վիճակները, բնության մեջ առկա որոշ ֆունդամենտալ հաստատուններ, ինֆորմացիայի փոխանցման համար ալիքների տարածումը և այլն: Թվարկվածները հանգում են համաձայնության, որ տարածությունը կազմված է 3 տարածական մակրոսկոպական կոորդինատներով՝ x^1, x^2, x^3 :

Բարձր չափողականություններով տեսություններում ֆիզիկայի օրենքներն ընդունում են պարզ ձևակերպումներ, որոնք 3-աչափ դիտարկելիս հանգեցնում էին բարդ արտահայտությունների: Սակայն ինչպե՞ս պետք է համատեղել այս գաղափարը 3-աչափ տարածության հետ: Եվ եթե իսկապես կան ավել չափողականություններ, ինչպե՞ս է ստացվում, որ ֆիզիկան դրանցից կախված չէ:

Պետք է չմոռանանք, որ նոր մտցված ավել կոորդինատները պարտադիր չէ, որ ունենան հեռավորության չափողականություն, կամ լինեն տարածանման՝ հաշվի առնելով մետրիկայում այդ անդամի նշանը: Ավելին, Մինկովսկին 1909 թվականին ներմուծեց հենց այս երկու հանգամանքին հակասող օրինակ, որում Մաքսվելի միացյալ էլեկտրամագնիսականության ու Էյնշտեյնի հարաբերականության հատուկ տեսությունները հնարավոր եղան պատկերացնել երկրաչափորեն, եթե ժամանակը՝ տարածական կոորդինատների հետ միասին համարվեն 4-աչափ տարածություն, $x^0 = ict$ -ի ներմուծմամբ: Երկար ժամանակ ֆիզիկայի՝ 3 տարածական կոորդինատներից կախված լինելու պատճառը c պարամետրի մեծ արժեք ունենալն էր, որի պատճառով տարածական և ժամանակային կոորդինատների «խառնվելը» հանդես էր գալիս միայն մեծ արագությունների դեպքում:

3 ԿԱԼՈՒՉԱ-ՔԼԱՅՆԻ ՏԵՍՈՒԹՅՈՒՆԸ

Ոգեշնչված Մինկովսկու՝ տարածության 4-աչափ նկարագրությունից, իրարից անկախ Նորդստրոմը՝ 1914 թ.-ին և Կալուզան՝ 1921 թ.-ին առաջիններից էին, ովքեր փորձեցին միավորել գրավիտացիան և էլեկտրամագնիսականությունը՝ 5-աչափ տարածության պատկերացմամբ, ավելացնելով x^4 տարածական անդամը: Երկուսի մոտ էլ առաջացավ նույն հարցը. ինչու՞ այդ 4-րդ

տարածական կոորդինատը չի նշմարվում բնության մեջ:

Դեռևս Մինկովսկու ժամանակներից երևույթների՝ Լորենց ինվարիանտ լինելը մեկնաբանվում էր 4-աչափ կոորդինատների ինվարիանտությամբ: 5-աչափ տարածությունում նույնը չէր դիտվում, այդ իսկ պատճառով Նորդստրոմն ու Կալուզան զերծ էին մնում այդ հարցից և պարզապես դրեցին պահանջ, որ բոլոր ածանցյալներն ըստ x^4 -ի վերանան: Այլ ձևակերպմամբ՝ ֆիզիկան պետք է դրսևորվեր 5-աչափ տարածության 4-աչափ հիպերմակերևույթի վրա (Կալուզայի գլանային պայման):

Այս ենթադրությամբ, նրանցից յուրաքանչյուրին հաջողվեց ստանալ էլեկտրամագնիսականության և գրավիտացիայի հավասարումները՝ 5-աչափ տեսությունից: Նորդստրոմը ենթադրեց սկալյար գրավիտացիոն պոտենցյալ (աշխատանքները սկսվել էին մինչև հարաբերականության ընդհանուր տեսությունը), իսկ Կալուզան օգտագործեց Էյնշտեյնի թենզոր պոտենցյալը: Ավելին, Կալուզան ցույց տվեց, որ հարաբերականության ընդհանուր տեսությունը, երբ դիտարկվում է որպես վակուումում 5-աչափ տեսություն (${}^5G_{AB} = 0, A, B = 0, 1, 2, 3, 4$), պարունակում է 4-աչափ հարաբերականության ընդհանուր տեսություն՝ էլեկտրամագնիսական դաշտի ամկայությամբ, Մաքսվելի հավասարումների հետ միասին (${}^4G_{\alpha\beta} = {}^4T_{\alpha\beta}^{EM}, \alpha, \beta = 0, 1, 2, 3$):

Առաջարկվեցին Կալուզայի 5-աչափ տեսության սխեմայի տարբեր մոդիֆիկացիաներ: Օրինակ ավել չափողականությունը կոմպակտիֆիկացնելն առաջարկեցին Էյնշտեյնը, Ջորդանը, Բերգմանը և այլոք: Սխեման չընդլայնվեց ավելի բարձր չափողականությամբ տեսությունների վրա, քանի դեռ չմշակվեցին ուժեղ և թույլ փոխազդեցությունների տեսությունները: Հարցն այն էր, թե արդյոք այս նոր ուժերը կարո՞ղ էին միավորվել էլեկտրամագնիսականության և գրավիտացիան նույն մեթոդով, թե ոչ:

Պատասխանը թաքնված էր տրամաչափային ինվարիանտության հիմքում: Օրինակ էլեկտրադինամիկան կստացվի կստացվի կիրառելով $U(1)$ տրամաչափային ինվարիանտություն ազատ մասնիկի Լագրանժյանի վրա: Այս հանգամանքն այդքան էլ զարմանալի չէ, քանի որ $U(1)$ խումբն «ավելացել» է Էյնշտեյնի հավասարումներում՝ 5-րդ չափողականության կոորդինատական ձևափոխությունների նկատմամբ ինվարիանտության անվան տակ: Այլ կերպ ասած, տրամաչափային ինվարիանտությունը բացատրվել է որպես տարածաժամանակի երկրաչափական սիմետրիա: Էլեկտրամագնիսական դաշտն այնուհետև հանդես եկավ որպես վեկտորական տրամաչափային դաշտ՝ 4-աչափ տարածությունում: Բարդ էր սա ավելի խնճված սիմետրիայով խմբերի համար ընդհանրացնելը: 1963 թ.-ին առաջին անգամ առաջարկվեց ներառել ոչ-Աբելյան $SU(2)$ խումբը ($4 + d$) չափանի Կալուզա-Բլայնի տեսությունում: Ամենաքիչը 3 նոր չափողականություն անհրաժեշտ էր: Դրված խնդիրն ամբողջովին լուծվեց 1975 թ.-ին:

4 ԲԱՐՁՐ ՉԱՓԱՆԻ ՄԻԱՎՈՐՈՒՄՆԵՐԻ ՄՈՏԵՑՈՒՄԸ

Նշենք 3 հիմնական սկզբունքները, որոնք մինչ այս դիտարկված մոդելներում հաշվի են առնվել.

1. Էյնշտեյնի պատկերացումը՝ բնությունը մաքուր երկրաչափություն դիտարկելու: Էլեկտրամագնիսական, գրավիտացիոն և Յանգ-Միլսի դաշտերն ամբողջովին պարունակվում են բարձր չափանի Էյնշտեյնի $^{(4+d)}G_{AB}$ թենզորում, և բացուցիչ $^{(4+d)}T_{AB}$ էներգիա-իմպուլսի թենզոր չի պահանջվում,
2. լրացուցիչ մաթեմատիկական անդամներ ավելացված չեն Էյնշտեյնի հարաբերականության ընդհանուր տեսության թենզորական արտահայտություններին, և միակ փոփոխությունն այն է, որ թենզորական հավասարումներում ինդեքսները փոփոխվում են 0-ից մինչև $(3+d)$, որտեղ d -ն մտցված ավել չափողականությունների քանակն է:
3. մտցված կոորդինատները ենթարկվում են գլանային պայմանին և ներդրում չունեն երևույթների ֆիզիկայի վրա: Չկա ոչ մի մեխանիզմ, որը կբացատրի միայն առաձին 4 կոորդինատների ներդրումը:

Առաջին 2 սկզբունքներն ընդունելի եղան էլեգանտության և պարզության տեսանկյունից: Սակայն դրան զուգագեռ 3-րդն այդքան էլ մեր այսօրվա աչքին սովոր չէ:

Դեռևս Կալուզայի ժամանակներից այս պայմանը մեղմացնելու համար, բարձր չափանի միավորման տեսությունները զարգացան 3, համեմատաբար անկախ ուղղություններով, որոնցից յուրաքանչյուրը ցավոք կորցնում էր վերոնշյալ 3 պայմաններից որևէ մեկը:

Առաջին եղանակը ավել չափողականությունների կոմպակտ լինելն է, որի արդյունքում էլ տեսանելի չեն լինում և չեն գտնվում էներգիայի՝ փորձնականորեն հասանելի տիրույթներում: Այս դեպքում խնդիրն առաջանում է, երբ փորձեր են կատարում միավորել ոչ միայն գրավիտացիան և էլեկտրամագնիսականությունն, այլ նաև այլ փոխազդեցություններ, և այդ դեպքում խախտվում է 1-ին, Էյնշտեյնի՝ ֆիզիկան մաքուր երկրաչափական նկարագրությամբ պատկերացնելու սկզբունքը:

Երկրորդ եղանակի դեպքում խախտվում է 2-րդ սկզբունքը և լրացուցիչ անդամները դիտարկվում են որպես ավելի բարդ տեսության անդամներ: Սա կարող է կատարվել Էյնշտեյնի հարաբերականության ընդհանուր տեսության երկրաչափությունը փոխարինելով պրոյեկտիվ երկրաչափությամբ: Լրացուցիչ չափողականությունները դառնում են զուտ տեսանելի օգնություն, որոնք ցավոք կարող է և բացատրելի չդարձնեն բնության հիմքում ընկած մաթեմատիկան:

Երրորդ եղանակի դեպքում 3-րդ՝ գլանային պայմանի անհստակեցվածություն է առաջանում: Այս դեպքում թույլատվում է, որ ֆիզիկան կախված լինի նոր կոորդինատներից, սակայն

նրանց ազդեցությունները չեն զգացվում փորձականորեն հասանելի երևույթների դիտարկման ժամանակ, ինչպես օրինակ Մինկովսկու դեպքում ոչ-ռելյատիվիստական արագությունների ժամանակ 4-րդ կոորդինատը զգացնել չէր տալիս: Երբ հաշվի է առնվում ֆիզիկայի՝ լրացուցիչ չափողականություններից կախվածությունը, 5-աչափ Էյնշտեյնի ${}^5R_{AB} = 0$ հավասարումներն իրենց մեջ պարունակում են 4-աչափ ${}^4G_{\alpha\beta} = {}^4T_{\alpha\beta}$ հավասարումները, որտեղ ${}^4T_{\alpha\beta}$ -ն ընդհանուր էներգիա-իմպուլսի թենզորն է, ոչ թե միայն էլեկտրամագնիսականության ${}^4T_{\alpha\beta}^{EM}$ թենզորը:

5 ԿՈՄՊԱԿՏԻՖԻԿԱՑՄԱՆ

ՄՈՏԵՑՈՒՄԸ

և

ՄԵԽԱՆԻԶՄՆԵՐԸ

Քլայնը 1926 թ.-ին ցույց տվեց, որ Կալուզայի գլանային պայմանը բնական կերպով կառաջանար, եթե 5-րդ կոորդինատն ունենար շրջանային տոպոլոգիա, որի դեպքում ֆիզիկական դրանից կախված կլինեի միայն պարբերական կերպով և հնարավոր կլինեի ենթարկել Ֆուրիե ձևափոխության, և այնքան փոքր, որ բացի հիմնական վիճակին համապատասխան մոդից բացի մնացած այլ մոդերի էներգիան լինեի այնքան մեծ, որ դիտելի չլինեի՝ բացառությամբ վաղ տիեզերքի: Ֆիզիկական էֆեկտիվորեն կախված չի լինի Կալուզայի 5-րդ չափողականությունից, ինչն էլ հենց պահանջվում էր: Ավելին, թվում էր էլեկտրամագնիսական դաշտի Ֆուրիե ձևափոխությունը կբացատրեր լիցքի քվանտացումը:

Հետևյալ սխեման կատարյալ չէր, դեռևս անհրաժեշ էր բացատրել ավել չափողականությունների այդքան տարբերվելը՝ տոպոլոգիայով և մասշտաբով, մյուս տարածաժամանակայիններից: Նրանց չափերը պետք է լինեին բավական փոքր՝ ատոմներներից քիչ ($1\text{ամ} = 10^{-18}\text{մ}$): Կար նաև տեսությունում նոր առաջացած սկալյար դաշտը բացատրելու խնդիր, սակայն սկալյար դաշտերն այդքան էլ մեծ խնդիր չեն ներկայացնում իրենցից:

Քլայնի՝ ավել չափողականությունների կոմպակտիֆիկացման ռազմավարությունը ազդեցիկություն ձեռք բերեց միավորյալ տեսություններում:

Կոմպակտիֆիկացման ժամանակ խնդիր է առաջանում այն կիրառել անխտիր բոլոր չափողականությունների վրա, որոնք կցանկանանք. մակրոսկոպական 4-աչափ տարածաժամանակի և կոմպակտիֆիկացված լրացուցիչ չափանի տարածության կոմբինացիան պետք է լինի բարձր չափանի Էյնշտեյնի դաշտի հավասարումների լուծում: Մասնավոր դեպքում, պետք է հնարավոր լինի վերականգնել հիմնական վիճակ հանդիսացող լուծումը՝ բաղկացած Մինկովսկու 4-աչափ տարածությունից և d չափանի կոմպակտ բազմաձևությունից: Սա հստակ

է Քլայնի տեսության դեպքում, երբ $d=1$: Մեխանիզմը ցավոք հստակ չէ ավելի բարձր չափանի տեսությունների դեպքում:

Ընդհանուր առմամբ, տարածաժամանակը հնարավոր է կոմպակտիֆիկացնել ցանկալի ձևով, ձևափոխելով բարձր չափանի Էյնշտեյնի վակուումային լուծումները, որն էլ հնարավոր կլինի մի քանի եղանակով.

1. ներառելով **ոլորում**,
2. ավելացնելով բարձր աստիճանի ածանցյալներ Էյնշտեյնի հավասարումներին,
3. տեսությանն ավելացնելով բարձր չափանի էներգիա-իմպուլսի թենզոր:

Վերոնշյալ կետերից 3-ի դեպքում, խելամիտ ընտրություն կատարելով հնարավոր կլինի ստանալ լրացուցիչ չափերի «սպոնտան կոմպակտիֆիկացում»: Ցավոք, այս մոտեցումը զոհաբերում է Էյնշտեյնի և Կալուզայի երազանքը, որն էլ բնության՝ մաքուր երկրաչափական միացյալ տեսություն ունենալն է:

6 D=11 ՍՈՒՊԵՐ-ԳՐԱՎԻՏԱՑԻԱ

Լրացուցիչ նյութական դաշտերը «ձեռքով» ավելացնելու ավելի բնական եղանակ է տեսությունը սուպերսիմետրիկ դարձնելը, այսինքն, ամեն բոզոնի համապատասխանեցնել դեռևս չբացահայտված ֆերմիոնային «սուպեր-գուգրնիկեր», և հակառակը: Մրա պատճառն այն է, որ Կալուզա-Քլայնի՝ բարձր չափանի տարածաժամանակային սիմետրիաները որպես տրամաչափային սիմետրիա նկարագրելու ծրագիրը կարող է առաջացնել միայն 4-աչափ տրամաչափային բոզոններ: Եթե տեսությունում պահանջում ենք ֆերմիոնային դաշտեր՝ սուպերսիմետրիայից ելնելով, ապա դրանց ավելացումը պետք է լինի ձեռքով: Վերջին նշված սահմանափակումը կարող է չվերաբերվել ոչ-կոմպակտիֆիկացված Կալուզա-Քլայնի տեսություններին, որոնցում լրացուցիչ կոորդինատներից «համեստ» կախվածությունը, որը փորձարարական սահմանափակման արդյունք է, Էյնշտեյնի հավասարումներին տալիս է բավականին հարուստ կառուցվածք՝ բարձր չափանի մաքուր երկրաչափությունից ստանալ շատ ընդհանուր տիպի նյութ՝ 4-աչափ տարածությունում: Օրինակ, 5-աչափ տարածությունում էլեկտրամագնիսականության տրամաչափային բոզոններից՝ ֆոտոններից բացի, ստացվում է փոշենման նյութ, վակուում, կամ կոշտ նյութ:

Սուպերսիմետրիկ գրավիտացիան(կամ **սուպերգրավիտացիան**), կյանք է առել որպես 4-աչափ տեսություն՝ 1976 թ.-ին, բայց կտրուկ ցատկ կատարեց ավելի բարձր չափողականություններ, որը բավականին հաջողված ստացվեց $D=11$ դեպքում՝ 3 հիմնական պատճառով.

1. Նամը ցույց տվեց, որ 11-ը չափողականությունների առավելագույն թիվն է, որը համատեղելի է միայնակ գրավիտոնի գաղափարի հետ: Սրան հետագայում հաջորդեն Ուիթթենի ապացույցը, որ 11-ը նաև նվազագույն թիվն է, որով հնարավոր է Կալուզա-Զվայնի տեսությամբ միավորել տարրական մասնիկների ստարնդարտ մոդելի բոլոր ուժերը(որպեսզի պարունակի ուժեղ փոխազդեցության $SU(3)$ և էլեկտրաթույլ փոխազդեցության $SU(2) \times U(1)$ տրամաչափային խմբերը),
2. 11-ից ցածր չափողականությունների դեպքում լրացուցիչ նյութական դաշտերի ընտրությունը միարժեք չէ, և Կրեմմերն ու այլոք 1978 թ.-ին ցույց տվեցին, որ $D=11$ դեպքում ընտրությունը միակն է, որը համատեղելի է սուպերսիմետրիայի սզբունքին(կան հավասար Բոզե և Ֆերմի ազատության աստիճաններ),
3. Ֆրեյդը և Ռուբինը 1980 թ.-ին ցույց տվեցին, որ $D=11$ մոդելի կոմպակտիֆիկացումը հնարավոր է միայն երկու եղանակով. կոմպակտիֆիկացնելով 4, կամ 7 չափողականությունները և մակրոսկոպական թողնել համապատասխանաբար մնացած 7, կամ 4 չափողականությունները:

Ոգևորված այս հաջողություններից, 1980-ականներին 11 չափանի սուպեր-գրավիտացիայի տեսությունը «Ամեն ինչի տեսության» առաջատար թեկնածուն էր:

Սակայն որոշ հանգամանքներ առաջ եկան, որոնք աղավաղում են այս տեսականը: Թվարկենք դրանցից մի քանիսը.

1. Կոմպակտ բազմաձևությունները, որոնք դիտարկված էին Ուիթթենի կողմից, պարզվեց որ չեն առաջացնում քվարկեր և լեպտոններ և համատեղելի չեն սուպերսիմետրիայի հետ: Դրանց լավագույն փոխարինողերը 7 չափանի սֆերան և սեղմված 7 չափանի սֆերան՝ նկարագրված համապատասխանաբար սիմետրիա $SO(8)$ և $SO(5) \times SU(2)$ խմբերով: Ցավոք այս խմբերը չեն պարունակում ստանդարտ մոդելի սիմետրիայի նվազագույն պայմանը՝ $SU(3) \times SU(2) \times U(1)$ խումբը: Սա հիմնականում ուղղվում է ավելացնելով նյութական դաշտեր, «բաղադրյալ տրամաչափային դաշտեր»՝ 11 չափանի Լագրանժյանին:
2. Շատ բարդ է 11 չափանի տեսությունում կառուցել քիրալություն՝ ռեալիստիկ ֆերմիոնային մոդելի համար: Սրա համար արվել են փորձեր ավելացնել բարձր չափանի տրամաչափային դաշտեր, ոչ-կոմպակտ ներքին բազմաձևություններ, և Ռիմանյան երկրաչափություն:
3. $D=11$ սուպեր-գրավիտացիայի տեսությունը խաթարված է 4-աչափ տարածությունում առկա կոսմոլոգիական հաստատունով, որ հնարավոր չէ վերացնել:

4. Տեսության քվանտացումը բերում է անդարձելի անոմալիաների:

Վերոնշյալ խնդիրներից որոշ մասը հնարավոր է վերացնել՝ տեսության չափողականությունն իջեցնելով 10-ի. հեշտանում է քիրալության կառուցումը և վերանում են անոմալիաներից շատերը: Սակայն, քիրալ ֆերմիոնների ներմուծումը հանգեցնում է անոմալիաների **նոր տեսակների**: $D=11$ տեսության միակությունը խափանվում է, և բարձր էներգիաների տեսությունը բնականորեն չի բաժանվում 4 մակրոսկոպական և 6 կոմպակտ չափողականությունների: Եվ իսկապես, $D=10$ սուպերգրավիտացիայի մոդելները ոչ միայն պահանջում են բարձր չափանի նյութական դաշտեր՝ կոմպակտիֆիկացիան ապահովվելու համար, այլ նաև ամբողջովին անտեսում են Կալուզա-Քլայնի մեխանիզմով առաջացած տրամաչափային դաշտերը, և ստիպված բոլոր տրամաչափային դաշտերը տեսությանն են ավելացվում ձեռքով: Եվ վերջապես, Կալուզայի՝ մաքուր երկրաչափական նկարագրություն ունենալու սկզբունքը խախտվում է ամբողջությամբ:

7 $D=10$ ՍՈՒՊԵՐ-ԼԱՐԵՐԻ ՏԵՍՈՒԹՅՈՒՆԸ

$D=10$ տեսությունում առկա անոմալիաների խնդրի լուծման մեջ առաջխաղացում նկատվեց, երբ Գրինը և Շվարցը, ինչպես նաև Գրոսսն ու այլոք ցույց տվեցին, որ կա 10 չափանի սուպերգրավիտացիայի ընդամենը 2 տեսություն, որոնցում հնարավոր է կատարելապես վերացնել բոլոր անոմալիաները, որոնք համապատասխանաբար հիմնված են $SO(32)$ և $E_8 \times E_8$ խմբերի վրա: Այս դեպքում ևս պետք է ավելացվեն բարձր չափանի Լագրանժյանին, որոնք հայտնի են որպես **Չապլին-Մանտոնի անդամներ**: Սակայն այս անգամը այդպիսի անդամների ավելացումն այդքան էլ կամայական ձևով չէ. ավել անդամները նրանք էին, որոնք այսպես թե այնպես առաջանալու էին ցածր էներգիաների դեպքում որոշ տիպի սուպեր-լարերի տեսությամբ մոտարկումների դեպքում:

Կոմպակտիֆիկացված Կալուզա-Քլայնի տեսություններից սուպերգրավիտացիայի տեսությունների փոխարեն նախընտրելի դառան սուպեր-լարերի տեսությունները: Սուպեր-լարերը՝ լարերի սուպերսիմետրիկ ընդհանրացումները, խուսափում են լարերի առաջին տեսությունների պատճառ հանդիսացած տախյոնների ընդհանուր կանխատեսումներից, բայց պահպանում են դրանց լավագույն հատկությունը. անոմալիաներից զուրկ գրավիտացիայի քվանտային տեսություն ունենալու հավանականությունը: Վերջերս կապ է հաստատվել սուպեր-լարերի որոշ վիճակների և սև խոռոչների միջև, և նույնիսկ առաջ է քաշվել տեսական, որ սուպեր-լարերը կարող են լուծել երկար ժամանակ բաց մնացած սև խոռոչների ինֆորմացիայի պարադոքսը:

Միակության խնդրի նման մի բանի առաջ է կանգնում $D=10$ սուպեր-լարերի տեսությունը, քանի որ $SO(32)$ և $E_8 \times E_8$ խմբերն առաջացնում են 5 տարբեր լարերի տեսություններ: Այս բարդությունը

լուծվել է Ուիթթենի կողմից, ով ցույց է տվել, որ այդ 5 տեսությունները հնարավոր է ներկայացնել որպես 1 տեսության կերպարանքներ, որը հիմա հայտնի է որպես Մ-տեսություն: Այս տեսության ցածր էներգիական սահմանը դառնում է $D=11$ սուպեր-գրավիտացիան:

8 ՊՐՈՅԵԿՏՄԱՆ ՄՈՏԵՑՈՒՄԸ

Ավել չափողականությունների կոմպակտիֆիկացումը Կալուզայի գլանային պայմանի միակ բացատրությունը չէ: Այլ, քիչ հայտնի մոտեցում 1931 թ.-ին ներկայացրել են Հոֆֆմանն ու Վերլեն: Նրանք ցույց տվեցին, որ 5-րդ չափողականությունը «կլանվում է» հասարակ 4-աչափ տարածաժամանակում, եթե հարաբերականության ընդհանուր տեսության դասական թենզորները փոխարինվեն պրոյեկտվածներով: Նոր կոորդինատներ համարվելու փոխարեն, լրացուցիչ չափողականությունները համարվեցին տեսանելի օգնություն: Խնդրի այս լուծման «գինը» Էյնշտեյնի տեսության երկրաչափական հիմքի փոփոխում է: Այս միտքը գրավեց Ջորդանի, Պաուլիի և այլ գիտնականների ուշադրությունը: Տեսության սկզբնական տարբերակները բախվել են փորձարարական սահմանափակումների՝ Բրանս-Դիկեի ω պարամետրի հետ:

Պրոյեկտման մոտեցումը «վերակենդանացավ» 2 նոր ձևակերպումներում.

1. Լեսները սկալյար դաշտին վերագրում է զուտ միկրոսկոպական իմաստ, որն ունի հետաքրքիր հետևանքներ տարրական մասնիկների ֆիզիկայում,
2. Շմուցերն օժտել է վակուումը բարձր չափանի նյութով՝ «ոչ-երկրաչափայնացվող սուբստրատով», որի արդյունքում զոհաբերվում է Էյնշտեյնի երազանքը՝ վերածելով ֆիզիկան երկրաչափության:

Վերոնյալ 2-րդ կետն իրականացնում է փորձարկման ենթակա որոշ կանխորոշումներ, որոնք դեռևս համատեղելի են դիտողական տվյալների հետ:

9 ՈՉ-ԿՈՄՊԱԿՏԻՖԻԿԱՑՎԱԾ ՄՈՏԵՑՈՒՄԸ

Կոմպակտիֆիկացման և պրոկտման մոտեցումների այլընտրանքային տարբերակ է ավել չափողականությունների՝ առանց կոմպակտիֆիկացման պայման դնելու հաշվի առնելը, և ենթադրելը, որ բնությունը դրանցից միայն շատ քիչ է կախված, ինչպես օրինակ Մինկովսկու դեպքում 4-րդ կոորդինատը՝ ոչ-ռելյատիվիստիկ արագությունների դեպքում: Այլ կերպ ասած

այս դեպքում Կալուզայի գլանային պայմանի հարցը լուծվում է այն «բաց թողնելով»: Սակայն հարց է առաջանում, թե ո՞րն է բնության՝ **համարյա գլանային** լինելու պատճառը: Եթե լրացուցիչ չափողականությունները տարածանման են, ապա հնարավոր է ենթադրել, որ մասնիկները, մեծ պոտենցյալային պատնեշով «բանտարկված են» 4-աչափ հիպերմակերևույթում: Այս տիպի կարծիքներ շոշափվել են դեռևս 1962 թ.-ից:

Սահմանափակող պոտենցյալների գաղափարը կոմպակտիֆիկացման մեխանիզմի համեմատ այդքան էլ ակնհայտ բարելավվում չէ: Այլընտրանք է Մինկովսկու օրինակը կրկնօրինակելը, այսինքն ավել չափողականությունների՝ օրինակ ժամանակի, տարածանման չլինելը: Այս դեպքում բնության՝ համարյա գլանային լինելը պետք է փնտրել ավել կոորդինատների ֆիզիկական նկարագրությունում, օրինակ այնպիսի արժեքներում, որոնք փոխում են չափողականությունը (ինչպես լույսի c արագությունը՝ $ct \rightarrow x$) և տալիս տարածության միավորներ: Այդպիսի առաջին առաջարկը 1983 թ.-ին արել է Վեստոնը՝ «տարածություն-ժամանակ-զանգված» տեսությամբ, ով առաջարկեց 5-րդ չափողականությունը կապել հանգստի զանգվածի հետ՝ $x^4 = \frac{Gm}{c^2}$ առնչությամբ: 4-աչափ ֆիզիկայում այս նոր կոորդինատի ազդեցությունը երևում է մասնիկների հանգստի զանգվածի ժամանակից կախում ունենալուց: Հետևյալ մոդելը խորն ուսումնասիրվել է Վեստոնի և ուրիշների կողմից՝ աստղաֆիզիկայում և կոսմոլոգիայում ունեցած հետևանքների պատճառով, որն էլ այնուհետև Ֆուկուի կողմից տարածվել է 5-ից ավել չափողականությունների վրա (\hbar -ը և c -ն տանում են համապատասխանաբար c -ի և G -ի դերերը):

10 ԿԱԼՈՒԶԱՅԻ ՄԵԽԱՆԻԶՄԸ

Կալուզան միավորեց էլեկտրամագնիսականությունը գրավիտացիային, կիրառելով Էյնշտեյնի հարաբերականության ընդհանուր տեսությունը 5-աչափ տարածաժամանակային բազմաձևության վրա՝ 4-աչափի փոխարեն:

5-աչափ տարածությունում Էյնշտեյնի հավասարումներն առանց էներգիա-իմպուլսի 5-աչափ թենզորի, ընդունում են

$$\hat{G}_{AB} = 0 \quad (1)$$

տեսքը, կամ համարժեքորեն

$$\hat{R}_{AB} = 0, \quad (2)$$

որտեղ $\hat{G}_{AB} \equiv \hat{R}_{AB} - \hat{R} \frac{\hat{g}_{AB}}{2}$ Էյնշտեյնի թենզորն է, \hat{R}_{AB} -ն 5-աչափ Ռիչիի թենզորն է, $\hat{R} = \hat{g}_{AB} \hat{R}^{AB}$ 5-աչափ Ռիչիի սկալարն է, իսկ \hat{g}_{AB} -ն 5-աչափ մետրիկական թենզորն է: Շարադրանքում

լատինական մեծատառ A,B,... ինդեքսները փոփոխվում են 0-ից 4, իսկ գլխարկով անդամները 5-աչափ մեծություններ են: Այս հավասարումները ստացվում են վարիացիայի ենթարկելով Էյնշտեյնի 5-աչափ

$$S = -\frac{1}{16\pi\hat{G}} \int \hat{R} \sqrt{-\hat{g}} d^4x dy \quad (3)$$

գործողությունը՝ ըստ 5-աչափ մետրիկայի, որտեղ $y = x^4$ -ը նոր, 5-րդ կոորդինատն է, իսկ \hat{G} -ն՝ 5-աչափ «գրավիտացիոն հաստատունը»:

Հետևյալ հավասարումներում նյութի բացակայությունը հենց Կալուզայի առաջին ենթադրության մաթեմատիկական նկարգրությունն է՝ ոգեշնչված Էյնշտեյնից, ըստ որի բարձր չափանի տիեզերքը դատարկ է: Գաղափարը 4-աչափ նյութը 5-աչափ տարածությունում որպես մաքուր երկրաչափության նկարագրումն է:

11 ՀԱՐԱԲԵՐԱԿԱՆՈՒԹՅԱՆ ԸՆԴՀԱՆՈՒՐ ՏԵՍՈՒԹՅԱՆ ՆՎԱԶՉԱԳՈՒՅՆ ԸՆԴԱՅՆՈՒՄԸ

5-աչափ Ռիչի թենզորն ու Քրիստոֆելի սիմվոլները սահմանված են ըստ մետրիկայի այնպես, ինչպես 4-աչափ դեպքում.

$$\begin{aligned} \hat{R}_{AB} &= \partial_C \hat{\Gamma}_{AB}^C - \partial_B \hat{\Gamma}_{AC}^C + \hat{\Gamma}_{AB}^C \hat{\Gamma}_{CD}^D - \hat{\Gamma}_{AD}^C \hat{\Gamma}_{BC}^D, \\ \hat{\Gamma}_{AB}^C &= \frac{1}{2} \hat{g}^{CD} (\partial_A \hat{g}_{DB} + \partial_B \hat{g}_{DA} - \partial_D \hat{g}_{AB}) : \end{aligned} \quad (4)$$

Այժմ, ամեն ինչ կախված է 5-աչափ մետրիկայի ընտրությունից: 5-աչափ մետրիկայում $\alpha\beta$ -ով մասը համապատասխանում է 4-աչափ մետրիկային, $\alpha 4$ -ով մասը՝ էլեկտրամագնիսականության A_α պոտենցյալին, իսկ 44-ով մասը՝ սկալյար ϕ դաշտին: Պատկերենք 5-աչափ մետրիկայի տեսքը՝ հաշվի առնելով վերջինս.

$$(\hat{g}_{AB}) = \begin{pmatrix} g_{\alpha\beta} + \kappa^2 \phi^2 A_\alpha A_\beta & \kappa \phi^2 A_\alpha \\ \kappa \phi^2 A_\beta & \phi^2 \end{pmatrix}, \quad (5)$$

որտեղ էլեկտրամագնիսականության A_α պոտենցյալը փոփոխված է κ հաստատունով, որպեսզի հետագայում գործողության մեջ ստացվեն ճիշտ գործակիցներ: Շարադրանքում հունական α, β, \dots փոքրատառ ինդեքսները փոփոխվում են 0-ից 3, իսկ լատինական փոքրատառ a,b,... ինդեքսները՝ 1-ից 3: Ընտրված է միավորների նորմալ համակարգը, որում վերցված են $c = 1, \hbar = 1$ և դիտարկված է 4-աչափ մետրիկայի (+ − − −) տեսքը:

12 ԳԼԱՆԱՅԻՆ ՊԱՅՄԱՆԸ

Եթե հաշվի առնենք Կալուզայի տեսության 3-րդ սկզբունքը և հաշվի չառնենք ըստ 5-րդ կոորդինատի բոլոր ածանցյալները, ապա հաշվի առնելով (5) մետրիկան և (4) նշանակումները, կստանանք, որ 5-աչափ դաշտի (2) հավասարումների $\alpha\beta$, $\alpha 4$, և 44 անդամներն ընդունում են

$$\begin{aligned} G_{\alpha\beta} &= \frac{\kappa^2 \phi^2}{2} T_{\alpha\beta}^{EM} - \frac{1}{\phi} [\nabla_\alpha (\partial_\beta \phi) - g_{\alpha\beta} \square \phi], \\ \nabla^\alpha F_{\alpha\beta} &= -3 \frac{\partial^\alpha \phi}{\phi} F_{\alpha\beta}, \\ \square \phi &= \frac{\kappa^2 \phi^3}{4} F_{\alpha\beta} F^{\alpha\beta} \end{aligned} \quad (6)$$

տեսքերը, որոնցում $G_{\alpha\beta} \equiv R_{\alpha\beta} - \frac{R g_{\alpha\beta}}{2}$ Էյնշտեյնի թենզորն է, $T_{\alpha\beta}^{EM} \equiv \frac{g_{\alpha\beta} F_{\gamma\delta} F^{\gamma\delta}}{4} - F_\alpha^\gamma F_{\beta\gamma}$ էլեկտրամագնիսական էներգիա-իմպուլսի թենզորն է, և $F_{\alpha\beta} \equiv \partial_\alpha A_\beta - \partial_\beta A_\alpha$: Ընդհանուր առկա է $10+4+1=15$ հավասարում, ինչն էլ որ սպասվում էր, քանի որ 5-աչափ մետրիկայում կա 15 ազատ անդամ:

13 $\phi = const$ ԴԵՊՔԸ

Եթե ϕ սկալյար դաշտը հաստատուն է ամբողջ տարածաժամանակում, ապա (6)-ի առաջին 2 հավասարումները պարզապես Էյնշտեյնի և Մաքսվելի հավասարումներն են.

$$\begin{aligned} G_{\alpha\beta} &= 8\pi G \phi^2 T_{\alpha\beta}^{EM}, \\ \nabla^\alpha F_{\alpha\beta} &= 0, \end{aligned} \quad (7)$$

որտեղ κ պարամետրի արժեքն արտահայտվել է G գրավիտացիոն հաստատունի միջոցով

$$\kappa \equiv 4\sqrt{\pi G} \quad (8)$$

առնչությամբ: Այս արդյունքը սացել են Կալուզան և Քլայնը, տեղադրելով $\phi = 1$ արժեքը: Սակայն, $\phi = const$ պայմանը համատեղելի է (6) դաշտի հավասարումներից 3-ի հետ, երբ $F_{\alpha\beta} F^{\alpha\beta} = 0$, ինչը որ առաջին անգամ նշվել է Ջորդանի և Թիրիի կողմից: Այն հանգամանքը, որ սրա ճանաչման համար անհրաժեշտ եղավ 20 տարի, փաստում է խորը կասկածը՝ դեպի սկալյար դաշտերը:

Այժմ, նույն ստացումն արվում է վարիացիոն եղանակով: Օգտագործելով (5) մետրիկան, (4) սահմանումները, օգտագործելով գլանային պայմանը ոչ միայն հաշվի չառնելու համար ըստ 5-րդ

կորդինատի ածանցյալներն, այլ նաև գործողությունից դուրս հանելով ըստ դրա ինտեգրումը, (3)-ից կստանանք

$$S = - \int d^4x \sqrt{-g} \phi \left(\frac{R}{16\pi G} + \frac{1}{4} \phi^2 F_{\alpha\beta} F^{\alpha\beta} + \frac{2}{3\kappa^2} \frac{\partial^\alpha \phi \partial_\alpha \phi}{\phi^2} \right), \quad (9)$$

որտեղ G -ն սահմանված է 5-աչափ գրավիտացիոն \hat{G} հաստատունի միջոցով

$$G \equiv \frac{\hat{G}}{\int dy} \quad (10)$$

առնչությամբ, որտեղ մենք $16\pi G$ անդամն ինտեգրալատակ արտահայտության մեջ մտցնելու համար օգտվել ենք (8) կապից: Ինչպես նախկինում, այնպես էլ այս դեպքում, եթե վերցնենք $\phi = const$, ապա (9)-ի առաջին 2 անդամները կլինեն Էյնշտեյն-Մաքսվելի գրավիտացիայի և Էլեկտրամագնիսական ճառագայթման գործողությունները, իսկ 3-րդ անդամը կլինի Քլայն-Գորդոնի անգանգված սկալյար դաշտի գործողությունը:

Այն հանգամանքը, որ (3) գործողությունից ստացվում է (9) գործողությունը, կամ որ նույնն է՝ առնաց աղբյուրի դաշտի (2) հավասարումներից ստացվում է (6)-ը՝ նյութական աղբյուրով, փաստում է Կալուզա-Քլայնի տեսության հրաշքը: Յույց տրվեց, որ 4-աչափ տարածության նյութը (այս դեպքում Էլեկտրամագնիսական ճառագայթումը) ծնվում է դատարկ 5-աչափ տարածաժամանակի մաքուր երկրաչափությունից: Հետագա շարունակական Կալուզա-Քլայնի տեսությունների նպատակն այս սկզբունքը նյութի այլ տեսակների վրա ընդլայնելն է:

14 $A_\alpha = 0$ ԴԵՊՔԸ, ԲՐԱՆՍ-ԴԻԿԵԻ ՏԵՍՈՒԹՅՈՒՆԸ

Եթե չպահանջենք $\phi = const$ պայմանը, ապա Կալուզայի 5-աչափ տեսությունը Էլեկտրամագնիսական երևույթներից բացի կպարունակի նաև Բրանս-Դիկեի տիպի սկալյար դաշտի տեսություն, որը պարզ է դառնում, երբ դիտարկում է Էլեկտրամագնիսական պոտենցիալների վերացումը՝ $A_\alpha = 0$: Առանց գլանային պայմանի, սա ուղղակի կապված կլինեի կորդինատների ընտրությունից, և չէինք կորցնի ոչ մի հանրահաշվական ընդհանրություն: $A_\alpha = 0$ պայմանը ֆիզիկական պայման է, որը սահմանափակում է դնում տեսության «գրավիտոն-սկալյար սեկտոր»-ի վրա:

Սա ընդունելի է որոշ դեպքերում, օրինակ, համասեռ և իզոտրոպ իրավիճակում, որի դեպքում ոչ-անկյունագծային անդամները «կնախընտրեին» ուղղություն, կամ վաղ տիեզերքի մոդելներում, որտեղ դինամիկ կերպով գերակշռում է սկալյար դաշտը: (5)-ից անտեսելով A_α դաշտերը, մետրիկան

կընդունի

$$(\hat{g}_{AB}) = \begin{pmatrix} g_{\alpha\beta} & 0 \\ 0 & \phi^2 \end{pmatrix} \quad (11)$$

տեսքը: Հաշվի առնելով Կալուզայի՝ տեսության հիմքում դրած 3 պայմանները, դաշտի (2) հավասարումները՝ (3) գործողությունը պարզեցվում է

$$S = -\frac{1}{16\pi G} \int d^4x \sqrt{-g} R \phi \quad (12)$$

տեսքի: (12)-ը Բրանս-Դիկեի՝

$$S_{BD} = - \int d^4x \sqrt{-g} \left(\frac{R\phi}{16\pi G} + \omega \frac{\partial^\alpha \phi \partial_\alpha \phi}{\phi} \right) + S_m \quad (13)$$

գործողության մասնավոր դեպքն է՝ $\omega = 0$ դեպքում:

ω պարամետրի արժեքը՝ հիմնվելով դիտողական տվյալների վրա, իհարկե, մեծ է 500-ից, հետևաբար այս մոդելն այժմ հուսալի չէ: Այս սահմանափակումը հնարավոր է վերացնել, (13) գործողությունում ավելացնելով լրացուցիչ $V(\phi)$ ոչ 0-ական պոտենցիալային դաշտ, ինչպես, օրինակ երկարացված ինֆլացիոն և այլ տեսություններում, կամ, թույլատրել Բրանս-Դիկեի ω պարամետրի՝ ϕ -ից կախվածությունը, ինչպես օրինակ հիպերերկարացված և այլ ինֆլացիոն մոդելներում:

15 ՔԼԱՅՆԻ ԿՈՄՊԼԵՔՏԻԳԻԿԱՑՄԱՆ ՄԵԽԱՆԻԶՄԸ

Կալուզայի գլանային պայմանը, որ ոչ մի ֆիզիկական մեծություն կախված չէ 5-րդ չափողականությունից, միացյալ տեսության հետևորդներին թվաց խորդ: Քլայնն իր մոտեցումն առաջ քաշեց քվանտային տեսության ստեղծման ժամանակ, և, ամենևին զարմանալի չէ, որ կապեց Կալուզայի գլանային պայմանի բացատրությունը ավել չափողականության շատ փոքր լինելուն:

Քլայնը ենթադրեց, որ 5-րդ կոորդինատը տարածանման է, ինչպես առաջին 3 կոորդինատները, և վերագրեց 2 պայման.

1. շրջանային տոպոլոգիա(S^1),

2. փոքր մասշտաբներ:

Վերոնշյալ 1-ին պայմանի դեպքում կամայական $f(x, y)$ ֆունկցիա դառնում է պարբերական, որտեղ $x = (x^0, x^1, x^2, x^3)$, և $y = x^4$

$$f(x, y) = f(x, y + 2\pi r),$$

որտեղ r -ը 5-րդ չափողականության մասշտաբային պարամետր հանդիսացող «շառավիղն» է: Հետևաբար, բոլոր դաշտերը հնարավոր է ենթարկել Փուրիե վերլուծության.

$$\begin{aligned} g_{\alpha\beta}(x, y) &= \sum_{n=-\infty}^{n=+\infty} g_{\alpha\beta}^{(n)}(x) e^{iny/r}, \\ A_{\alpha}(x, y) &= \sum_{n=-\infty}^{n=+\infty} A_{\alpha}^{(n)}(x) e^{iny/r}, \\ \phi(x, y) &= \sum_{n=-\infty}^{n=+\infty} \phi^{(n)} e^{iny/r}, \end{aligned} \quad (14)$$

որտեղ ցուցիչում առկա (n) -ը հղում է անում n -րդ Փուրիե մոդին: Զվանտային տեսության շնորհիվ, այս մոդերն իրենց հետ y ուղղությամբ տանում են իմպուլս՝ $\frac{|n|}{r}$ -ի կարգի: Ահա այստեղ Քլայնի երկրորդ սկզբունքն է ի հայտ գալիս. եթե r -ը բավականին փոքր լինի, ապա նույնիսկ $n=1$ մոդի y -իմպուլսն այնքան մեծ կլինի, որ փորձարարական սահմանից դուրս կգտնվի: Հետևաբար, տեսանելի կլինեն միայն $n=0$ մոդերը, որոնք կախված չեն y -ից, ինչը պահանջված էր Կալուզայի տեսությունում:

Հասկանանք, թե ինչքան մեծ կարող է լինել մասշտաբային r պարամետրը: r -ի արժեքի վրա ուժեղ սահմանափակումներ դրվում են բարձր էներգիաների տարրական մասնիկների ֆիզիկայից, որը ստուգում է համեմատաբար մեծ զանգվածներ և փոքր հեռավորություններ: Այդպիսի մի քանի փորձեր r -ի վրա դնում են ատոմներից (10^{-18} մ) փոքր լինելու պայման: Տեսաբանները հաճախ r -ին տալիս են Պլանկի երկարության արժեք ($l_{PL} \sim 10^{-35}$ մ), որը թե՛ բնական ընտրություն է, և թե՛ այնքան փոքր է, որ $n=0$ -ից տարբեր մոդերի զանգվածը լինի Պլանկի զանգվածից ($m_{PL} \sim 10^{19}$ ԳէՎ) շատ անգամներ մեծ:

Ընդհանուր դեպքում, Կալուզայի 5-աչափ (5) մետրիկան պարունակում է բոլոր Փուրիե մոդերը: Վերջինից, կոմպակտիֆիկացման տեսություններում հնարավոր է ստանալ այսպես կոչված «Կալուզա-Քլայնի անսացր», որում դեն են նետված $n \neq 0$ մոդերը: 5-աչափ դեպքում անսացր դեն է նետում $g_{\alpha\beta}, A_{\alpha}, \phi$ մեծությունների y -ից կախվածությունը, սկիզբ տալով $g_{\alpha\beta}^{(0)}$ գրավիտոնի, $A_{\alpha}^{(0)}$ ֆոտոնի և $\phi^{(0)}$ սկալյարի էֆեկտիվ, 4-աչափ, «ցածր էներգիական» տեսությանը: Ավելի բարձր չափերի դեպքում սկզբնական մետրիկայի և Կալուզա-Քլայնի անսացի միջև կապն այսքան պարզ չի ստացվում:

Կարևոր է նշել «հիմնական վիճակի մետրիկա» \hat{g}_{AB} -ի՝ $\hat{g}_{AB}(x, y)$ -ի վակուումային միջինը լինելու հանգամանքը, որը որոշում է կոմպակտ տարածության տոպոլոգիան: 5-աչափ դեպքում, որտեղ տոպոլոգիան $M^4 \times S^1$ է, վերջին դիտարկումը կրնա լինի

$$\langle \hat{g}_{AB} \rangle = \begin{pmatrix} \eta_{\alpha\beta} & 0 \\ 0 & -1 \end{pmatrix} \quad (15)$$

տեսքը, որտեղ $\eta_{\alpha\beta}$ -ն Մինկովսկու 4-աչափ տարածության մետրիկան է:

Գրականություն

- [1] J.M. Overduin, P.S. Wesson, Kaluza-Klein gravity, Physics Reports Volume 283, Issues 5–6, April 1997, Pages 303-378